

შპს სკოლა „ჰორიზონტი“  
ქ. ბათუმი ექვთიმე თაყაიშვილის  
ქუჩა N5  
ტელეფონი: 555-49-79-27  
0422-27-01-05  
ელ. ფოსტა: Horizonti2026@gmail.com



Ltd HORIZONTI school

ბათუმი

18/05/2026

**დირექტორის ბრძანება №02/07**  
**შპს სკოლა ჰორიზონტის ფილოსოფიის**  
**(მისია, ხედვა, ღირებულება) დამტკიცების შესახებ**

„ზოგადი განათლების შესახებ“, საქართველოს კანონის 43-ე მუხლის მე-2 პუნქტისა და სკოლა ჰორიზონტის დირექტორის ბრძანებით (N02/1 30/04/2026) დამტკიცებული დებულების მე-5 მუხლის 5.2 პუნქტის 5.2.2 ქვეპუნქტის საფუძველზე

**ვ ბ რ ძ ა ნ ე ბ**

1. დამტკიცდეს შპს სკოლა ჰორიზონტის ფილოსოფია (მისია ხედვა ღირებულება);
2. დაევალოს საქმისმწარმოებელს ამ ბრძანების განხორციელების მიზნით შესაბამისი ღონისძიებების გატარება;
3. ბრძანება ძალაში შევიდეს ხელმოწერისთანავე;
4. ბრძანება შეიძლება გასაჩივრდეს კანონმდებლობით დადგენილი წესით ძალაში შესვლიდან ერთი თვის ვადაში ქ. ბათუმის საქალაქო სასამართლოში, მისამართი: ზუბალაშვილის ქ. N30;

დირექტორი:



/მადლენა მახარამე/



**შპს სკოლა „ჰორიზონტი“**  
საღამო სკოლა ღრმავლება - პერსონალიზირებული განათლება

# შპს სკოლა „ჰორიზონტი“

## ფილოსოფია

მისია \* ხედვა \* ღირებულებები

### 1. სკოლის მისია

შპს სკოლა „ჰორიზონტი“ მისიას შექმნას ლოკალური თემის საჭიროებებზე მორგებული, მცირეკონტიგენტური, უსაფრთხო, ემპათიური და მხარდამჭერი საგანმანათლებლო სივრცე დაწყებითი, საბაზო და საშუალო საფეხურის მოსწავლეებისთვის. სკოლა უზრუნველყოფს მაღალი ხარისხის, ინკლუზიურ და ჰუმანისტურ ღირებულებებზე დაფუძნებულ განათლებას. სკოლის მიზანია, მცირე სასწავლო ჯგუფებისა და თითოეულ მოზარდზე ორიენტირებული

ინდივიდუალური მიდგომით, აღზარდოს თავისუფალი, კრიტიკულად მოაზროვნე, პასუხისმგებლიანი მოქალაქეები, რომლებიც მზად იქნებიან თანამედროვე გლობალური გამოწვევებისთვის.

## 2. სკოლის ხედვა

შპს სკოლა „ჰორიზონტი“ წარმოადგენს ინოვაციურ, „ოჯახური“ ტიპის საგანმანათლებლო კერას, რომელიც ინარჩუნებს მკაცრად განსაზღვრულ, მცირე კონტიგენტს (არაუმეტეს 168 მოსწავლისა), რათა გარანტირებული იყოს თითოეული მოსწავლის სოციო-ემოციური უსაფრთხოება და აკადემიური მენტორობა. სკოლა ჩამოყალიბდება როგორც მონაცემებზე დაფუძნებული მართვის მოდელის მქონე ორგანიზაცია, რომელიც მუდმივად ანახლებს ტექნოლოგიურ ინფრასტრუქტურას, ნერგავს აქტიური სწავლების მეთოდოლოგიას და სარგებლობს მაღალი ნდობითა და ავტორიტეტით ლოკალურ თემში.

## 3. სკოლის ღირებულებები

**შენიშვნა:** ღირებულებები არის პრინციპები, რომლებსაც ეფუძნება სკოლის ყოველდღიური ცხოვრება და ქცევა.

**მოსწავლეზე ორიენტირებულობა და ინდივიდუალიზმი:** თითოეული მოსწავლის უნიკალურობის აღიარება, მათი პირადი საჭიროებების, ინტერესებისა და შესაძლებლობების მაქსიმალური გათვალისწინება და მხარდაჭერა.

**უსაფრთხოება და ნდობა („ოჯახური გარემო“):** ემოციურად და ფიზიკურად უსაფრთხო, მზრუნველი და მყუდრო გარემოს შექმნა, სადაც სასკოლო

საზოგადოების თითოეული წევრი თავს გრძნობს დაცულად და დაფასებულად.

**თანამშრომლობა და გუნდურობა:** ურთიერთპატივისცემაზე დაფუძნებული მყარი პარტნიორობა მოსწავლეებს, პედაგოგებს, ადმინისტრაციასა და მშობლებს შორის. გადაწყვეტილებების ერთობლივი მიღების კულტურა.

**პასუხისმგებლობა, ეთიკა და ხარისხი:** მაღალი აკადემიური და პროფესიული ეთიკის სტანდარტების დაცვა, მონაცემებზე დაფუძნებული მართვა და ხარისხის უწყვეტი განვითარება გრძელვადიანი მდგრადი შედეგების მისაღწევად.

**ჰუმანიზმი და მრავალფეროვნება:** ტოლერანტობის, თანასწორობის, კულტურული მრავალფეროვნების პატივისცემისა და სამოქალაქო პასუხისმგებლობის განვითარება სასკოლო საზოგადოებაში.